

UCAPAN YANG AMAT BERHORMAT PERDANA
MENTERI, DATO HUSSEIN ONN, SEMASA
MEMBENTANGKAN USUL UCAPAN TAKZIAH
DI ATAS KEMANGKATAN DULI YANG MAHA
MULIA SERI PADUKA BAGINDA TUANKU
YAHYA PETRA IBNI AL-MARHUM SULTAN
IBRAHIM, YANG DI-PERTUAN AGONG DI
DEWAN RAKYAT, PADA 3HB APRIL, 1979

Tuan Yang Di Pertua.

Saya mohon izin membentangkan satu usul yang berbunyi:-

Bahawa Dewan ini

(a) merakamkan perasaan sedih dan

dukacita yang amat sangat, di

atas kemangkatan Duli Yang Maha

Mulia Seri Paduka Baginda Yang

Di-Pertuan Agong yang Ke Enam,

Tuanku Yahya Petra Ibni Almarhum

Sultan Ibrahim;

(b) menyembahkan perutusan takziah ke
bawah Duli Yang Maha Mulia, Seri
Paduka Baginda, Raja Permaisuri
Agong, Tuanku Zainab binti Tengku
Mohamed Petra, dan kepada Duli Yang
Maha Mulia Sultan Kelantan, Tuanku
Ismail Petra Ibni Almarhum Sultan
Yahya Petra, serta kepada Kerabat
Di Raja Kelantan, diiringi dengan
doa semoga Duli-Duli Yang Maha
Mulia Baginda itu, dikurniakan
berbanyak sabar di atas kemangkatan

mengejut Seri Paduka Baginda Yang
Di-Pertuan Agong itu;

- (c) merafakkan sembah menjunjung kasih, serta penghargaan dan pujian, ke bawah Duli Yang Maha Mulia Tuanku Zainab, di atas segala jasa dan khidmat Baginda sebagai Raja Permaisuri Agong.

قُلْ نَفْسِي زَائِعَةٌ الْمَوْتِ

Tuan Yang Di Pertua.

"Tiap-tiap yang bernyawa akan menemui
"Kullu nafsii za-shatul ma'ut".
 mati." (Surah Al-Imran; ayat 185). ~~dan~~ Dan

Allah juga berfirman yang bermaksud;—

"Dimana saja kamu berada, nescaya
 kematian akan mendapatkan kamu, biar pun
 kamu dalam benteng yang teguh."

(Surah Annisaak; ayat 78).

Sesungguhnya, sebagai makhluk Tuhan, kita wajib ~~lah~~
~~lah~~ menerima hakikat ini. Walau bagaimanapun,
 kita merasa amat sedih dan ~~amat~~ pilu, kerana

dengan secara tiba-tiba, negara dan rakyat

Malaysia telah kehilangan seorang Raja ~~Yang~~ yang berpengalaman luas, dan berhemah tinggi.

Kemangkatan Duli Yang Maha Mulia Seri Paduka

Baginda, Tuanku Yahya Petra Ibni Almarhum Sultan

Ibrahim, Yang Di-Pertuan Agong yang kita kasihi,

pada hari Khamis, 29hb Mac, ^{yang lalu,} ~~1979~~, telah

mengejutkan seluruh negara.

Tuan Yang Di Pertua.

2. Sebenarnya, pada petang hari itu, saya

telah diberitahu bahawa Almarhum telah jatuh

gering disebabkan penyakit lemah jantung.

Saya telah pergi ke Istana Negara. Rawatan pakar yang rapi, telah dijalankan serta-merta, tetapi dengan kehendak Tuhan Yang Maha Berkuasa, Baginda Tuanku telah mangkat. Innalillahi
Wa-inna-ilaihi Raajiuun.

2A. Saya sendiri berasa amat terkejut dan terharu sekali dengan kemangkatan Almarhum, oleh kerana pada pagi hari Rabu, 28hb Mac, ~~1979~~,
Baginda.
sebagaimana biasa, saya telah mengadap ~~untuk~~
~~melaporkan kepada Baginda perkara-perkara yang~~

~~bersabit dengan hal-ehwal negara.~~ Pada ketika itu, Almarhum berada di dalam kandungan sihat walafiat dan riang gembira. Inilah saat-saat terakhir saya bersama dengan Baginda, di mana saya telah diterima mengadap hampir satu jam, iaitu *di jadualkan.* lebih dari jangka masa yang biasa ~~ditetapkan.~~

2B. Memanglah menjadi kebiasaan bagi saya mengadap Baginda pada tiap-tiap hari Rabu, sebelum mesyuarat mingguan Jemaah Menteri. Tetapi pada hari tersebut, Baginda telah

mengambil masa yang panjang sedikit, kerana sebagaimana biasa, Baginda telah bertanyakan hal dalam beberapa perkara. Sebagaimana biasa juga, perbualan kami adalah dalam suasana penuh mesera dan berterus terang. Minat yang ditunjukkan oleh Baginda benar-benar melahirkan, bahawa Baginda adalah Raja yang berjiwa Rakyat, sentiasa mengambil berat di atas kepentingan dan kebajikan rakyat, lebih-lebih lagi rakyat yang miskin dan daif, yang tinggal di kawasan-kawasan yang kurang maju.

.. ~~10/6~~ c

20. Pada tiap-tiap kali saya menghadap, perbualan Baginda sentiasa berkisar mengenai kemajuan pembangunan untuk rakyat. Sebagai Raja bagi negeri Kelantan, perhatian berat Baginda sentiasa tertumpu kepada negeri Baginda, yang telah tertinggal dalam bidang pembangunan di masa-masa yang telah lalu. Sesungguhnya, rakyat negeri Kelantan khususnya, telah kehilangan seorang Raja yang payah untuk diganti. Jasa bakti Baginda semasa menduduki takhta Kerajaan Negeri Kelantan, dan Kerajaan Persekutuan, sukar di

tandingi. Kita tidak akan dapat membalas kesemuanya ini, tetapi Almarhum akan tetap tinggal di dalam kenangan setiap rakyat.

Tuan Yang Di Pertua.

3. Memanglah tepat maksud pepatah Melayu, bahawa Harimau mati meninggalkan belang, manusia mati meninggalkan nama. Sebagaimana saya telah katakan, bahawa semasa hayatnya, Almarhum sentiasa mengambil berat dan suka mengambil tahu hal-ehwal mengenai negara, terutama perkara-perkara yang melibatkan

kepentingan dan kebajikan rakyat. Hasrat ini sentiasa dilahirkan oleh Almarhum pada tiap-tiap minggu, atau bila-bila masa saya mengadap. Saya percaya Ahli-Ahli Yang Berhormat sekalian, bahkan seluruh negara mengetahui, minat yang kuat yang ditunjukkan oleh Almarhum dalam menjalankan tugas-tugas negara. Walaupun usia Almarhum telah lanjut, dan tugas-tugas Yang Di-Pertuan Agong itu berat, Almarhum sentiasa cuba dengan sedaya upaya, menunaikan kewajipan Baginda.

4. Sebagai Ketua Negara berperlembagaan, Almarhum telah mengambil bahagian hampir dalam semua perayaan-perayaan Kebangsaan, dan Istiadat-Istiadat Negara. Dalam Perayaan Hari Kebangsaan misalnya, Almarhum telah berdiri berjam-jam lamanya, untuk menerima tabik hormat serta menyaksikan kegiatan-kegiatan yang di persembahkan oleh rakyat berbilang kaum. Begitulah juga halnya, dalam perayaan Maulud Nabi Salallahu Alaihi Wasallam, di mana

Almarhum telah turut bersama-sama dengan umat Islam yang lain, berarak dari Stadium Merdeka ke Masjid Negara. Kepada saya, kesemuanya itu adalah satu contoh tauladan yang amat mulia, yang telah dilakukan oleh seorang Raja. Perbuatan Almarhum itu, telah meningkatkan lagi semangat dan kecenderungan rakyat, terhadap mengukuhkan lagi perpaduan negara, dan meninggikan lagi syiar Islam. Minat dan penyertaan Almarhum dalam kegiatan-kegiatan yang dianjurkan oleh rakyat, telah menyubur dan mengembangkan semangat kasih

sayang rakyat terhadap Baginda. Ini jelas kelihatan semasa lawatan resmi Baginda ke negeri-negeri, di mana sambutan yang begitu meriah dan mesra, telah diberikan oleh rakyat dari segenap lapisan.

Tuan Yang Di Pertua.

5. Almarhum Tuanku Yahya Petra adalah seorang Raja yang amat bertimbang rasa. Baginda sentiasa sedar terhadap kewajipan dan tanggungjawab ~~Baginda~~ ^{negeri,} tanggungjawab dan tugas Menteri-Menteri dan pegawai-pegawai Kerajaan, dan dengan sedaya

upaya, Baginda sentiasa membantu ~~mereka~~ bagi meringankan beban dan tanggungjawab kita semua. Dalam menjalankan tugas dan tanggungjawab sebagai Yang Di-Pertuan Agong, Almarhum sentiasa ~~Baginda~~ ^{nya} sedar dan faham di atas peranan / sebagai seorang Ketua Negara berperlembagaan. Baginda juga sentiasa sedar dan faham, di atas segala undang-undang dan peraturan, serta sentiasa berpandu dan berpegang teguh kepada Perlembagaan.

di lantek

6. Sejak Baginda ~~ditabalkan~~ sebagai Yang Di-Pertuan Agong Yang Ke Enam, tiga tahun setengah

yang lalu, iaitu pada 21hb September, 1975,
 Malaysia dan rakyatnya telah mencapai kemajuan
 dalam berbagai bidang. Dengan berkat
 pemerintahan Baginda, Malaysia telah menikmati
~~kemakmuran~~ ^{kemajuan} sosio-ekonomi, sekalipun pertumbuhan
 ekonomi dunia ~~adalah~~ ^{telah} lembab. Perpaduan dan
persefahaman di kalangan rakyat berbilang kaum,
 telah dapat dieratkan lagi, sementara keselamatan
 negara telah dapat dikawal dan dipelihara.
 Kegiatan-kegiatan dalam bidang rohaniah, telah
 juga dipesatkan, dan ini telah membawa kesan yang
 bermanfaat kepada seluruh rakyat. Dengan berkat

daulat Almarhum, imej Malaysia di luar negeri telah meningkat, dan negara kita telah menjadi lebih terkenal di kalangan antarabangsa.

Tuan Yang Di Pertua.

7. Di sepanjang masa pemerintahan Baginda yang adil dan bijaksana, Almarhum telah melakukan lawatan resmi hampir keseluruhan negara, serta beramah mesra dengan rakyat di semua peringkat dan lapisan. Sifat-sifat peramah, pengasih dan pemurah hati Almarhum itu, telah menawan hati

rakyat jelata, dan menambahkan lagi kesayangan dan semangat taat setia mereka kepada Baginda dan negara. Mengingati dan mengenangkan sifat-sifat mulia inilah, maka seluruh negara merasa amat terharu dan amat sedih, serta terkejut, apabila mengetahui Kemangkatan Baginda itu.

Tuan Yang Di Pertua.

8. Tidak ada kata-kata pujian yang lebih tinggi, yang dapat saya lafazkan, bagi menilaikan serta memberi penghargaan, di atas jasa-jasa dan khidmat bakti, yang telah dikurniakan oleh Baginda

kepada negara. Setiap rakyat tidak akan lupa di atas jasa dan khidmat bakti Almarhum itu. Marilah kita bersama-sama berdoa semoga Allah Subhanahu Wataala mencucuri rahmat keatas roh Almarhum itu, dan supaya ditempatkan Baginda di kalangan para salihin dan muttakin.

Puan yang Dajertua dengan hormatnya mempersilakan

9. Akhirnya, saya ~~meminta~~ semua Ahli Yang

Berhormat berdiri bertafakkur selama satu minit.

Mereka yang beragama Islam, sama-samalah kita

bersedekah Al-Fatihah, dan bagi yang lain-lain,

bolehlah melafazkan doa mengikut cara ugama masing-masing.

Tuan Yang Di Pertua.

Demikianlah saya mohon mencadangkan usul ini, terimakasih.



LICAPAN : ADHO

648 - 33/81

Tuan Yano Di Pertua

usul ini terimakasih.



No. Siri	427
No. Penerimaan	63/81